

WORD

WHAT

What does the Bible say?

Lahat ng mabuti at sakdal na kaloob ay mula sa langit—sa Diyos na Ama ng kaliwanagan. Hinding-hindi Siya nagbabago, at hindi Siya pinagmumulan ng anumang kadiliman.

Santiago 1:17

Ang pagkatao ng Diyos na hindi nagbabago ang pinagmumulan ng kasiguruan para sa mga nagtitiwala sa Kanya. Isa sa maraming pagpapahiwatig ng Kanyang mga hindi nagbabagong katangian ay ang Kanyang katapatan. Makikita natin ito sa pakikipag-ugnayan Niya sa Kanyang bayan.

- **Ang Diyos ay tumutupad sa Kanyang mga pangako.**

Hindi dahil sa kayo'y matuwid kaya ninyo kakamtan ang lupaing yaon. Itinaboy nga sila ni Yahweh dahil sa kanilang kasamaan, at bilang pagtupad pa rin sa pangako niya sa mga ninuno ninyong sina Abraham, Isaac at Jacob.

Deuteronomio 9:5

Ipinangako ng Diyos kay Abraham na bibigyan Niya ng lupa ang kanyang mga magiging anak (Genesis 15:18-21). Tinupad Niya ang Kanyang pangako kay Abraham base sa Kanyang katapatan. Ang katuparan ng pangako ng Diyos ay hindi nakasalalay sa tatanggap nito. Papaano nito naaapektuhan ang iyong pananampalataya at pagtitiwala sa Diyos?

- **Ang Diyos ay kasama natin.**

“Si Yahweh ang mangunguna sa iyo. Sasamahan ka niya. Hindi ka niya pababayaan, kaya’t huwag kang matatakot ni panghihinaan ng loob.”

Deuteronomio 31:8

Ang katapatan ng Diyos sa Kanyang mga tagasunod ay nakikita rin sa katotohanang Siya ay lagi nilang kasama kahit ano pa ang mangyari. Sa mga panahon ng kapayapaan o pagsubok, nananatili Siyang kasama nila. Nakasisiguro tayong hindi tinatapon ng Diyos ang Kanyang mga ugnayan. Ibahagi ang panahong naranasan mo ang katapatan ng Diyos dahil hindi ka Niya iniwan.

- **Ang Diyos ay panig sa atin.**

³¹Ano pa ang masasabi natin? Kung nasa panig natin ng Diyos, sino ang makalalaban sa atin? ³²Kung kahit na ang sarili Niyang Anak ay hindi Niya ipinagkait kundi ibinigay Niya para sa atin, hindi kaya Niya ibibigay sa atin nang buong sagana ang lahat ng bagay, kalakip ni Cristo?

Roma 8:31,32

Ang pabor ng Diyos ay nasa Kanyang mga tagasunod. Gumagalaw Siya para sa kabutihan nila. Sa katunayan, nakikita sa kasaysayan na noong mga panahong hindi na kaya ng mga taong gumalaw para sa kanilang kapakanan, tinutulungan sila ng Diyos. Ginagawa Niya ito kahit na ito ay isang malaking sakripisyo para sa Kanya. Papaano ka natulungan ng Diyos noon sa iyong pinagdaanan?

SO WHAT

What is the relevance of the Word to my life?

- Anu-ano ang mga madalas na dahilan kung bakit ka nagdududa sa mga pangako ng Diyos? Papaano mo ito maiiwasan?
- Anu-anong mga dahilan ang nagbibigay ng kasiguruhan sa iyo na kasama mo ang Diyos?
- Bakit mo kailangang paalalahanang palagi na panig ang Diyos sa iyo? Papaano nito naaapektuhan ang pakikipag-ugnayan mo sa ibang tao?

NOW WHAT

How do I apply the Word to my life?

- Anu-anong mga pangako ng Diyos sa Bibliya ang balak mong pagmuni-munihan ngayong linggo? Anong abala, kung mayroon man, ang kailangan mong iwasan sa mga susunod na araw upang mas umangat pa ang mga pangako ng Diyos?
- Ano ang iyong pinagdadaanan ngayon na kailangan mong makitang kasama mo ang Diyos? Humingi ng tulong sa iyong mga kagrupa na ipagdasal ito.
- Ilista ang mga pagpapala ng Diyos sa iyong buhay na nagpapatunay na Siya ay panig sayo.